

Ny Valosoa sy hadihady

Tsy mbola misy tanteraka

Difotra ao anaty nofinofy ny vinan'ny fitondrana Rajoelina

T aorian'ny namoahan'ny Fitsarana Avo momba ny Lalamporenana (HCC), ny maha ara-dalàna ilay lalàna nolian'ny Antenimierampirenenia taorian'ny famakiana azy fanintelony dia mizotra amin'ny fanatanterahana ny fidianana Loholona ny fitondrana amin'izao fotoana izao. Eo anoloan'izany anefa dia maro dia maro ny fanakianana atao'nny ankolafin-kery misy: filohana Andrim-panjakana, politiana, fiarahamonim-pirenena, olon-tsotra, momba ny tsy fanarahan-dalàna atao'nny andrim-panjakana isan-tokony, primatiora, Antenimierampirenena. Ny manahirana ny saina dia afaka dimy volana no tapitra ny fotoam-piasan'ny Antenimierandoholona, izany hoe roa volana mahery kely aorian'ny fidianana. Tsy izay anefa ny tena olana fa ny fahajamban'ny Fitsarana Avo momba ny Lalamporenana manoloana ny tsy fanitsahana ny Lalamporenana momba ireo mpifidy lehibe (grands électeurs), izay tsara ampahatsiahivina, fa ny ben'ny tanàna sy ny mpanolotsainan'ny tanàna, ny filohan'ny faritra sy ny mpanolotsainam-paritra, ny filohan'ny faritany sy ny mpanolotsainan'ny faritany. Ny zava-misy anefa dia mbola misy kaominina amam-polony maro no tsy nahavita ny fidianana ben'ny tanàna, ny lehiben'ny faritra dia governora izay olom-boatendry, kanefa araka ny Lalamporenana iainana amin'izao Repoblika IV izao dia olom-boafidy izany. Torak'izany koa ny filohan'ny Faritra. Ny isan'ny Loholona izay nahena ho 18 raha 63 araka ny Lalamporenana tsy resahina intsony satria mbola fanitsakitsahana ny lalàna ihany koa kanefa dia izao fitondrana izao no namolavola azy fony izy ireo teo amin'ny tetezamita. Tena nalain-tahaka tokoa ka rehefa tena tonga eo amin'ny fitondrana dia nahatsapa fa namandri-tena ihany satria nihevitra ny tsy ho eo amin'ny toerana tamin'izany. Irahama-hita koa izany eo amin'ny nanomezana toerana ho an'ny filohan'ny mpanohitra ao amin'ny Antenimiera, ka tsy hanatanterahana izany na dia efa fantatra aza ny filohan'ny mpanohitra. Mahatsapa izao fitondrana izao fa mpifanandrina manana ny he-

rizika amin'izany fanoherana izany Ravalomanana Marc, ka itadiavana izao hevi-dratsy rehetra izao entina handemena azy kanefa ho vato do-miverina ihany izany, ka hifotra any amin'izay nitoraka. Anisan'ny nanaitra ihany koa amin'izao fotoana izao ny tsy fanajan'ny rafitra mpananteraka ny fisaraham-pahefana eo aminy sy ny fahefana mpitsara, ka andefasan'ny manampahefana avy ao amin'ny fiadidiana ny repoblika manome baiko mpitsara hampiditra amponja vonjimaika olona araka ny taratasy eo am-pelatanan'ny Filohan'ny Antenimierandoholona. Tsy ireo manampahefana eo anivon'ny fitondrana foibe ihany no tsy mahalala na mody tsy mahalala ny arofenitra, ka mifamadika ny fahafantarana: iza no afaka manome baiko an'iza, hany ka ireo olom-boatendry indray no manindry ny olom-boafidy. Ny olom-boafidy koa tsy mahay mametraka ny tenany eo amin'ny toe-rana misy azy sady tsy mahay na noho ny fisoleta-hana be loatra dia tsy mahafantatra intsony ny andraikiny eo amin'ny fitantanana ny Firenena, ka tsy vitsy ohatra ny solombavambahoaka mangataka fotodraftrisa na fanamboarana izatsy na izaroa amin'ny mpikambana ao amin'ny governemanta, na ny filohan'ny Repoblika, na misaotra azy ireo kanefa manara-maso ny asan'ny mpananteraka no andraikiny voalohany. Araka izany dia anisan'ny andraikiny tsy azo ivalozana ny mitaky ny antony tsy nahavitan'ny departemanta izatsy na izaroa ny tetikasa voafaritra ao amin'ny programa ankabopen'ny governemanta (PGE). Tsapa tokoa efa ho roa taona aty aorian'ny nandraisian'izao mpitondra izao ny fahefana fa difotra tao anaty nofinofy fotsiny ny ankamaroan'izy ireo, ka rehefa tonga teo amin'ny fitondrana vao mahatsapa fa tsy kilalaon-jaza izany fitantanana ny Firenena izany, ka mivaona sy mibiroka any amin'ny tsy tokony halehany ny atao rehetra. Aleo hapetraka eto ambonin'ny tany ihany ny tongotra ary hibanjina ny zavamisy marina mialohan'ny fanapahankevitra.

Andry Tsiavalona

Depiote Emilien Ramboasalama

Nanamafy fa tsy manara-dalàna ny fidianana senatera hatao amin'ny 11 desambra

Naneho ny heviny mahakasika ny fidianana senatera kasaina hatao eto amintsika ny depiote Emilien Ramboasalama, voafidy tao amin'ny Boriboritany faha-4, Antananarivo Renivohitra. Tsy manara-dalàna ny fidianana loholona izay kasaina hatao amin'ny 11 desambra 2020, hoy izy. Ary mazava fa misy ny kajikajy politika

tian'izao fitondrana izao hatao, manoloana io fidianana io, izay manaoana tanteraka ny fifandanjan-kery amin'ny fandianana lalàna. Izay lalàna avy eny amin'ny Antenimieram-pirenana dia handeha ho azy tsy misy sakana rehefa tonga eny amin'ny Antenimierandoholona satria loholona Mapar no tiana hapetraka

ao Anosikely. Ankoatr'izay dia nanamafy ity solombavambahoaka ity, fa tokony ho soloina ny CENI, mba hiverenan'ny fahatokisam-bahoaka sy hisian'ny mangarahara. Ary tsy ny olona ao anatin'ny ihany no tokony ho soloina, fa ny fomba fiasa ao ihany koa.

Isambilo



Ny depiote Emilien Ramboasalama.

Faritra faha-23

Ifandrortana ny distrikan'lkongo

Voalaza fa ho zaraina ho faritra 23 i Madagasikara, raha mizara ho faritra 22 no Nosintsika amin'izao fotoana. Ny faritra faha-23 heverina ho hatsangana dia ny faritra Vatovavy, izany hoe ho zaraina 2 ny faritra Vatovavy Fitovinany, ka hanjary ho faritra 2: faritra Fitovinany, sy faritra Vatovavy. Ifandrortana aneta amin'izao fotoana izao ny distrikan'lkongo, na Fort-Carnot tany aloha, samy mandrirotra azy hiaraka aminy, na i Fitovinany, na i Vatovavy. Ka lasa fifanandrina eo amin'ny depiote

miarahalahy samy miaradia amin'ny fitondrana ity raharaha ity ankehitriny, dia fifanandrinana eo amin'ny depiote i Manakara Giscard, sy ny depiote i Manakara Brunel Razafitsiandroafa. Ny voalohany mandrirotra an'lkongo hiaraka amin'ny Fitovinany, ny depiote faha-2 kosa manambara fa tokony hiaraka amin'ny Vatovavy lkongo, izay rahateo no nisy hatramin'izay sy arantara koa. Fantatra izao fa ho tonga any amin'ny kaominina IFANIRIA ny Depiote Giscard, izay voafidy tany Manakara sy ny

Préfet MANAKARA, mbo-la resaka Fitovinany ihany io. Marihina fa be dia be zanaka am-pielezana Manakara-Vohipeno io IFANIRIA io. Ny zavatra azo ambara dia tsy maintsy hanaratsy an'i depiote Brunel izy ireo. Ho voare-sany amin'izany fa ny depiote Brunel dia manakana fampandrosoana sns... Ny anay dia tsotra hoy ireo olona avy any lkongo, olona tia fandrosoana isika ary izany no imatesan'ny depiote Brunel sy ny mpiara-miasa aminy. Manomboka fantatra ny hevitr'izy ireo ma-

toa mikiry mafy handefa an'lkongo hankany Fitovinany izy ireo, fa raha mafy ianareo hoy ny fanambarana ary raha akaiky ny fitondrana marina dia ataovy aloha ny PORT MANAKARA, ny TETE-ZANA MANAKARA BE. Raha ny tena marina, any Vatovavy no tena misy harena any Vatovavy Fitovinany, misy ireo harena an-kibon'ny tany isan-karazany, izay no mahatonga an'lkongo ifandrortana izao. Tantara mitohy...

Isambilo

FIFIDIANANA SENATERA TSY MANARA-DALÀNA**Nametraka fitoriana eny amin'ny HCC ireo Loholona**

Manoloana ny tsy fanarahana ny Lalamporenana, mikasika ny didim-panjakana laharana 2020 -1110, nivaoka tamin'ny 09 septambra 2020 mikasika ny fiantsoana ny mpifidy vaventy amin'ny 11 desambra 2020, hifidy ireo Loholoni Madagasikara, izay noraisin'ny fitondram-panjakana dia tonga nanatitra taratasy fitoriana tetsy amin'ny Fitsarana Avo momba ny Lalamporenana (HCC° ny teo anivon'ny Antenimierandoholona, izay notarihin'Andriamatoa RAKOTOVAZAH Olivier, Filohan'ny vaomiera misahana ny lalàna, ny asam-panjakana, ny asa sy lalàna sosialy, omaly Alarobia faha-16 septambra 2020 .

Ny antony hoy ny Loholoni Madagasikara RAKOTOVAZAH Olivier dia noho ny tsy fanarahana-dalàna, sy ny tsy fanajana izay voasoratra ao anatin'ny lalàna fehizoro mifehy ny Antenimierandoholona, ao amin'ny adininy faha 80, mitaky ny fisian'ny mpifidy vaventy avy amin'ny faritany , faritra ary avy amin'ny kaominina miaraka amin'ireo mpikambana ao amin'ny filankevitra mifandray amin'ireo mpifidy vaventy ireo, sy ny voalazan'ny andininy faha 127 amin'io lalàna fehizoro io ihany, mikasika ny fidianana tamin'ny 2015.

Ny tanjona amin'izao fitoriana izao hoy izy dia ny ha-nafoanana an'io didim-panjakana noraisina io, sy ny fanarahana ny lalàna velona mikasika ny fidianana .

Helisoa



Ireto senateran'i Madagasikara nanatitra fitoriana teny amin'ny HCC.

TONONKALO**ANY IANAO RAKOTO IZAY...**

E ! izany mahatsiaro sy misaina irony lasana, Vava anie ny anao Rakoto tao an`efitra fiandrasana ! Natsinkafonao ny loto sy ny zavatra tsy tsara. (Toa ianao no ilay Mesia hanavotra an'i Gasikara !)

Noderaina ianao Rakoto , tena niaiky anao `zahay. Ianao koa moa dia voakilasy ho mpampianatra mahay. Ny sehatra mpanara-maso izay nandraisanao anjara, Dia nalaza tamin'izany fa hanova ny tantara.

...Kanjo azonao ny seza, azonao ny fahefana, Lasanao ny toerana avo , saingy tsisy fiovana Fa vao mainka miharatsy ny tontolo izay jerena. Ianao mihitsy ankehitriny no "henatry ny firenena" !

Indro ianao ilay avo vava, lasa moana tsy miteny, Fa manaiky ny tsy mety izay miseho ombieny ombieny. Ireo nokianinao taloha , ireo nolavinao fahiny, Mahagaga fa nanjary nekenao ankehitriny !

Angamba menatra tanteraka `ty sehatra mpanara-maso, Fa ny olony omaly , toa skaizan'ny malaso. Zary tena tsy ahitana na dia teny kely akory Fa tanteraka `lay hoe: voky izy dia natory !

Ry Rakoto nandranda, ry nahazo fahefana, Avereno i Gasikara mba ho tany tan-dalàna. Fony ianao vao notendrena dia nitsofanay trompetra, K'aza faly miara-komana amin'ny olona voretra.

Miverena , miverena ery an-toerana fiaingàna. Asehoy fianao dia mendrika , tena hoe mpahay lalàna, Ka ny soan'ny firenena no asandratso sy tadio, Dia hidera anao `zahay Andriamatoa "mpitsara avo"!